

豐縣志

卷十一 人物類中  
卷十一 人物類下

地 220.35  
39  
=6

豐縣志卷十一

人物類下

流寓

古之君子達觀海宇迹其所居令名垂焉豐邑古稱要區昔賢之所萃止紀其標度泝其流風後來者斯有所興矣

漢丁蘭河內野王人流寓於豐少喪父十五歲喪母乃刻木爲母像事之凡事必告鄰人張叔令妻假物蘭妻白像像不悅卽弗與張突入擊像蘭知之殺張叔吏捕蘭去木像爲之垂淚郡縣嘉其孝奏免蘭罪宣帝特拜爲中大夫居縣東十二里後人卽其所居之地名曰丁蘭

豐縣志

卷十一

人物類下

一

里里舊有孝子祠今廢

唐柳毅中宗時下第歸至涇陽見一婦人牧羊曰妾洞庭君小女也嫁涇川君次子今被毀黜有尺牘乞寄妾父毅爲致書洞庭君取女回欲卽以妻毅毅堅拒之曰豈有爲女子寄書而因以爲婚者乎甯死不從遂辭去後娶妻盧氏貌甚美相得一夕盧就浴毅覩之宛若龍女叩之盧泣下曰妾卽洞庭君女涇上之辱君能救之茲奉闈房永以爲好耳後居於豐迄今井宅尙可攷云

明關膺江西奉新人宣德中爲豐縣令因家焉

明洪淙新安人爲商於豐病痿痺不能起一羽客過授以五色藥服之竟愈一夕有仙降於牖曰我張老仙也曩

授藥愈子者我也當於某月日具酒食享我書訖遂去  
後淙遊黃山見深谷有石扇忽開因入又有一門懼不  
敢進遽出迴視則峭壁參天萬峰迴合不復有石扇矣  
淙出時見庭草甚奇拔一株持歸旣而遇疾疫流行取  
草煮食之舉家竟賴以免

宋杰號瞻明宋忠烈公汝爲十七世孫也初任鴻臚遷宿  
遷令多異政五載解綬念先世忠烈公本支衍繁燕越  
而豐爲自出之地持宗譜來家焉掃除墳墓考槃遺墟  
識者多其仁孝

陳名夏號百史溧陽人落魄時流寓豐與泗上閻爾梅彭  
門萬壽祺邑人張逢宸爲忘形交時王董象三家嘗醉

豐縣志

卷十一

人物類下

二

語曰嘲杜甫笑空同吾不及閻潑醉墨追草聖吾不及  
張披素箋工隸楷吾不及萬馳驅制藝之場游心規矩  
之外則海內不讓人矣聞者以爲狂未數年果破壁飛  
去通籍後買宅一區于城北之襄田里欲移家于此而  
遭時喪亂不果來今其宅雖數易王然過者猶歛歔指  
爲陳公村云

閻爾梅字用卿號古古別號白奪山人沛縣人崇禎庚午  
舉于鄉有文名尤長于詩余最愛其題歌風臺頸聯有  
云中興十世生文叔後起三分託武侯十四字如鐵鑄  
託字又妙有春秋書法沛與豐接壤晚年曾移居邑之  
丁蘭里與邑人倡和詩甚多其移居詩三首尤足爲居

豐之一徵云著有白奩山人集行世

徐元文號立齋崑山人甲午鄉薦出邑令閩公門遂遊于  
豐寓居孫谷宗家閉戶讀書者三年己亥大魁天下登  
臺鼎猶時時念豐邑不置以爲風俗淳厚猶有古風存  
焉當立齋初來時一夕夢漢高帝召晏座中行酒者爲  
蕭相國醒後尙覺酒氣在齒頰間及後名位與蕭相相  
埒蓋先兆云

顧惟舟字若濟原籍鎮江邑名宦顧言孫也幼孤母魯氏  
博通書史舟在懷抱中教以識字七歲便能吟詠十五  
食餼五十貢于鄉雍正癸卯科獲雋鄉榜生平手不釋  
卷接人以和從無疾言遽色年六十餘卒邑人傷之著

豐縣志

卷十一

人物類下

三

有四書掌血集弟惟楫字次霖性孝友與兄砥礪文苑  
幼入庠丁丑選拔博通淹雅時藝古作無不冠絕一時  
至今有二顧之名然數奇屢困棘闈京江相國張玉書  
其中表兄弟楫恬然無所干識者益重其品楫之子奎  
天姿靈敏弱冠採芹由選拔授江西德安縣令

方尙建字勵行原籍徽州隨父遊豐人邑庠遂家焉品端  
行謹篤學不倦且善於啟迪遊其門者多知名士生三  
子仲文炳字仲虎中甲午科解元季文蔚字豹文弱冠  
食餼優貢生選授山陽縣訓導事親先意承志及仕迎  
養在署有萊氏風後丁內艱歸服闋補鳳陽府學司訓  
未仕終 本朝來豐邑鮮有發科者而文炳輒能領解

大省論者未嘗不稱尙建之家學爲獨深云

魯汝驥字子昂古潤州人有文名邑人史元開袁以載延至豐從遊者甚眾數奇不偶竟以諸生終旣歿葬于豐迷家焉子思連入豐庠

章有斐號隱嵩浙江人寓于豐一日赴徐州于旅店檢得遺金三百因封識以俟閱數日原主倉皇來斐詰實還之一無所私州守夏公學夔給匾額曰完全純嘏

芮鴻字翔千宣城人家貧力學年二十餘游學于豐名流俊彥多出其門子三英入豐庠

沙傑字冲渠真定人狀貌魁奇從其父遊于豐時值鼎革羣盜竊發前令閻知傑勇延爲守禦鼠輩多忌之一日

## 豐縣志

### 卷十一

人物類下

四

策蹇自徐還與賊遇遂圍傑挺身力戰遇害于扈家樓人咸惜其因公致死云姪元凱元賢俱入邑庠

原進字孟嘗澤州人姿貌豐偉自先世商于豐賦性謙和鄉人咸樂與交凡邑有大興作輒捐重資以佐之

王德政字澤九魚臺縣諸生幼隨其父家于豐以好學稱與邑人王愷心孫學洙李樗兄弟閉關讀書十餘年後以拔貢就商河教諭卒于任

周崇興徐州衛人居于豐嘗爲友人撫孤孤葬其父母鄉里多稱道之其孫綸舉武孝廉

孫顯起字丕承寓于豐原籍濟甯任河營把總我豐昔濱于河邑之南五六十里時委巨浪總河靳文襄公自馬

良下建石龍八十餘里有築堤之役顯起多著勞績邑人德之至今猶有道其事者

殷尙武字虎臣河間府人康熙庚戌武進士仕甘州守備解組後游寓于豐遂家焉爲人慷慨尙氣節恬于仕進雍容有儒將風

仙釋

仙釋儒者所勿道以其近于幻也然史冊載之多  
勿俟豐邑自周以來幾二千百餘年豪傑輩出而  
方外遺世之徒僅若而人不可以見風俗之厚而  
人心之務本者乎故喜而志之

周赤須子邑人秦穆公時爲主魚吏好食松實天門冬赤  
石脂齒落更生髮墮再出後遂去吳山下莫知所之漢  
劉向嘗爲之贊云赤須去豐爰憇吳山三藥並御朽顏  
再鮮空往師之而無師延頤問小智豈識巨年按列仙  
傳曰赤須子豐人好食天門冬齒落更生

漢清平吉漢高祖卒也至光武時年二百餘歲容貌益少  
豐縣志  
卷十一  
人物類下  
六  
後尸解去

周義山字季道丞相勃四世孫年十六時常以平日日出  
東向嗽咽服氣百數經年及間之對曰義山中心好此  
日光長景之暉是以服之時歲饑盡出家財濟人元鳳  
中有黃秦者著敗衣賣芒履於陳留目方面有光義山  
奇之使人買其履陰以金著物中與之秦後詣義山延  
之靜室曰我中岳仙人蘇子玄也聞君好道是以相詣  
遂授以長生之術後義山白日昇舉號紫陽真人

張道陵字輔漢子房八世孫七歲通道德經于天文地理  
皆窺其奧舉賢良方正不就入蜀得黃帝九鼎太清丹  
經丹成餌之時年六十容貌益少又得秘書通變化驅

除之術既而與弟子趙升王長遷鶴鳴山中上真授以秘錄遂以桓帝永壽元年正月七日同其妻雍氏白日昇舉時年一百二十三歲按太平御覽云張道陵字輔漢沛國豐人也幼本大儒晚學長生之道得九鼎丹經聞蜀中多名山遂入鶴鳴山著道書二十餘篇仙去季春煦曰列仙傳諸書皆云道陵豐人但未詳其出處之實及考元和刺史李正卿著天師聖德碑云張天師以東漢建安三年自沛豐游蜀則天師爲豐人也審矣或謂道陵生於天目山者非也蓋天目乃修煉處胡氏志又載陵孫魯云陵以諸品秘錄斬邪二劍玉册玉印授子衡衡復授魯爲漢中太守曹操攻之魯以手板畫地

豐縣志

卷十

人物類下

七

卽成巨河怒濤洶湧兵不能濟其將復統水軍至魯又以手板畫河中輒出一峯高千餘丈兵不能進又云蜀先王攻魯魯脫化歸真隱形仙去語多不經前嘉靖王氏志則謂魯祖父客蜀已非豐產而其左道惑眾名五斗米賊尤爲妖誕削去不書按王議甚正今無以易但陵猶無大過而實豐產故存之

明房德穩號雲直子早慕風師事長春真人攻苦食淡二十餘年嘗居豐三年不出至元三年卽曲豆勝境構洞真觀修煉相傳爲丹成仙去



技術

德成而上藝成而下藝亦道所見也故星相醫卜咸得以術鳴况智慮所及實可開物成務有濟生民者乎是又曷可廢哉

明周昉字彥華徐州人後居豐通天文陰陽之術景泰元年隨征福建以占候有功歷進五官靈臺郎陞監副子佐陞光祿寺少卿儒陞應天府丞佐子瀾欽天監冬官皆世其業

姜居安邑人居沛之沙河鎮以醫鳴嘗有達官過沛抵沙河而稚兒病幾殆迎居安療之居安令取沙一斗布舟中卧兒沙上久之兒手足漸動不數時而疾良已達官

豐縣志

卷十

人物類下

八

甚德之因叩其故曰小兒純陽當春月衣皆湖綿過熱故得涼氣而解耳

李復字明善通陰陽歷數之學任南京欽天監副弟登字從善任欽天監夏官正後遷監副

國朝劉熙天巧慧性生多創物之智諸製器皆匠心獨造不經指授而妙合軌轍習者奉爲師模所居種植花木位置山石饒吳越之勝

包霖字濟公號和中子工山水尤長人物筆墨蒼秀識者珍之人亦古道可風

史維元字爾仁精于岐黃之學遠近相延者雖百里無間也一時有史扁鵲之語壽八十餘卒姪以謙世其業

徐文龍字鳳林國學生精六壬每多奇驗當事無不推重之終歲與子相接語不及私且性孝年六十依依母側上憲有以安車相延者輒以親老辭後母卒龍哀痛過情不數月亦卒時年六十七

齊聞詩幼爲諸生後棄去隱居好和藥濟人尤精于痘疹嬰兒賴以全活者甚眾壽八十五終

宋楮字純也號楮道人仕前明兵馬司以善畫得名上常覽其畫呼曰小宋故又號小宋休官後隱居田間怡情筆墨一時與張觀生之書稱爲二妙

劉椀字汝器工寫花卉尤精于翎毛草虫江南北多重之其高弟卜世遠繼其業以瀟灑勝

## 豐縣志

### 卷十

人物類下

九

孔興哲字明先聖裔善占周易其應如響又長子平爲人亦淳樸鄉里信之

卜世遠字孔昭志氣清高脫屣名利工丹青尤善花卉毛羽遠近珍之

孫毓崙字梅航工花卉尤善毛羽草虫手不釋管者幾六十年且秉性公正好爲人排解年八十有六

李殿元從九品幼業岐黃尤精瘍醫濟人往往有奇驗貧者資以藥餌不取值或並留而飲食之子朝覲廩貢生性篤孝有聲庠序人以爲積善之報壽七十八終

李際光字運昭附貢生以軍功議敘翰林院待詔因親疾潛心醫理活人無算未嘗納錙銖之餽鄉里稱之

史著勲負性清潔丹青擅長爲梅航孫山人高弟壽五十  
九終

劉康侯字安國太學生品誼端方精於醫痘疹科尤能神  
斷每日車馬盈門以先後爲次無不往者家法嚴子六  
人孫曾數十人或耕或讀各力本業門內無詬誶聲三  
子仰貢亦精岐黃術往來病家猶恪遵遺教

董西庚字映微精醫理活人無算性和易善息爭訟鄉里  
稱長者

劉乙銓字尚選太學生性情公正窮儒業者十餘年屢躋  
名路乃精研岐黃臨症之際無不應手回春遠近以福  
星頌之

豐縣志

卷十

人物類下

十

劉振圖字聖則乙銓次子幼嗜學入郡庠友于兄弟勵志  
岐黃遠近就醫全活甚衆督辦砦務桑梓以安名重一  
時



